

影印
文淵閣

四庫全書

影印

文淵閣四庫全書

第一二三一冊

北京出版集團公司
北京出版社

圖書在版編目(CIP)數據

影印文淵閣四庫全書 / (清)紀昀等編纂. — 影印
本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV.
①Z121.5

中國版本圖書館CIP數據核字(2012)第059042號

策 劃: 方應權

責任編輯: 楊良志 蔡紫昀

責任印製: 宋 超

影印文淵閣四庫全書

(清)紀昀等編纂

北京出版集團公司

北京出版社

北京北三環中路六號

郵政編碼: 100120

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

本冊目次

鳴盛

附

錄集

明 林 鴻撰
邵 銅編

一

白雲樵唱

附

錄集

明 王 恭撰……………八三

草澤狂

歌

明 王 恭撰……………二〇九

半軒

集

明 王 行撰

方外補遺

遺

……………二七九

附王半軒傳

明 杜 瓊撰

西菴

集

明 孫 蕢撰……………四七一

南邨詩

集

明 陶宗儀撰……………五七五

望雲

集

明 郭 奎撰……………六三七

蚓竅

集

明 管時敏撰……………六七三

西郊笑端

集

明 董 紀撰……………七二一

欽定四庫全書

集部

鳴盛集卷一

詳校官庶吉士 臣李傅熊

中書臣劉源溥覆勘

總校官庶吉士 臣倉聖脉

校對官中書 臣葉 莢

謄錄監生 臣任 鑑

欽定四庫全書

集部六

鳴盛集

別集類五 明

提要

欽定四庫全書

鳴盛集
提要

臣等謹案鳴盛集四卷明林鴻撰鴻字子羽福清人洪武初以薦授將樂縣訓導歷官禮部精膳司員外郎年未四十自免歸事迹具明史文苑傳明初閩中善詩者有長樂陳亮高廷禮閩縣王恭唐泰鄭定王褒周元永福王偁侯官黃元而鴻為之冠號十才子其論詩惟主唐音所作以格調勝是為晉安詩派之祖李東陽懷麓堂詩話曰林子羽鳴盛集專學唐表凱在野集專學杜蓋能極力摹擬不但字面句法併其題目亦效之開卷驟視宛若舊本然細味之求其流出肺腑卓爾自立者指不能一再屈也是在宏正之間已有異議周亮工書影曰閩中才雋輩出彬彬風

雅亦云盛矣第晉安一派流傳未已守林儀

部高典藉之論若金科玉條凜不敢犯動為

七律如出一手云云是其末流且馴至為世

口實然鴻倡始之時固未嘗不眷容諧雅自

協正聲未可以作法於涼遽相詆斥况高棟

尚不免庸音鴻則時饒清韻尤未可不分甲

乙一例擯排矣此本為成化初鴻郡人溫州

知府邵銅所編未有銅跋稱覽其舊稿慨然

欽定四庫全書



鳴盛集
提要

興思因詳加校勘補其缺略然如張紅橋唱

和詩詞事之有無不可知即才人放佚容或

有之決無存諸本集之理此必銅撫小說妄

增之夢游仙記一首疑亦寓言紅橋之事觀

其名目乃襲元稹夢遊春詩可以意會銅亦

附之簡末殊為無識葉盛水東日記載銅天

順中為御史以言事忤權姦左遷知縣則其

人亦錚錚者或平生以氣節自勵文章體例

非所素嫻歟乾隆四十三年七月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書



鳴盛集
提要

三

鳴盛集原序

元氣行乎宇宙間膚而直者為人其清淑者為明哲為英豪性之為道德發而為詞章至於聲詩又詞章之清淑而最者也吾友林鴻子羽早穎悟獵涉羣書提要鉤玄去其糟粕而掇其英華悉取資以為詩自盛唐以上歷晉魏漢氏十九首楚辭三百篇皆沈浸醖郁一日援筆而賦動數十什洋洋大篇溶溶短章皆新奇俊逸馳騁若騏驥浩蕩若波濤清絕若雪山冰崖皎潔若瓊琚

欽定四庫全書

鳴盛集
原序

玉佩擇其尤者置之韋柳王孟間未易區別臨川王先生命郁一見而異之曰此大厯才子復見於今矣且天性惆儻樂山水好翱翔率嘗與予登道山清冷臺薛老峰泉石膏肓風雲氣槩故其詩邁俗軼塵良有以也今年冬與予相會太和宮因出所製一編而求序予辭不獲故秉翰而題其首雖然以吾子之才之美進進未可量也若登泰岱之峰愈高愈低將小天下矣則桓雖謫材又將執筆從而序君之別業尚未晚也洪武三年冬吳

興倪桓序

詩家者流肇於康衢之擊壤虞廷之賡歌繼是者泯泯乎三百篇之音流而為離騷派而為漢魏正音洋洋乎盈耳矣六代以還尚綺藻之習失淳和之氣唐興陳子昂氏作障厥狂瀾杜審言宋之問沈佺期李嶠又從而歎之至開元天寶間有若李白杜甫常建儲光義孟浩然王維李頎岑參高適薛據崔顥諸君子各鳴其所長於是氣韻聲律粲然大備及列而為大厯降而為晚唐

欽定四庫全書

鳴盛集
原序

愈變而愈下迨夫宋則不足徵矣元有范虞楊揭趙數家頗踵唐人之轍至於興象則不逮焉噫文與時遷氣隨運復不有作者孰能與之今觀林員外子羽詩始窺陳拾遺之間輿而駸駸乎開元之盛風若殷鑒所論神來氣來情來者莫不兼備雖其天資卓絕心會神融然亦國家氣運之盛馴致然也謹題其集曰鳴盛為之序云洪武庚申季春既望嘉議大夫禮部侍郎權吏部尚書廬陵劉嵩子高序

欽定四庫全書

鳴盛集卷一

明 林鴻 撰

五言古體

擬古 七首

北辰何巍巍居為衆星宗玄冬杓在北青陽乃旋東七曜潛幹運四時自成功靜觀造化機毋乃君道同

其二

神龍潛深淵不在尺水池飛鳳將鍛羽亦擇梧桐枝玉

欽定四庫全書

鳴盛集
卷一

以貞自珍蘭以幽見奇君子莫屈身身屈道乃卑

其三

迢迢洛陽城雄堞何逶迤上有天子宫下列公侯居外廐鳴騶裏中饋進鮮肥身無澣濯服路有餘梁脂巍巍金馬門云是上天梯仕宦有捷徑請託無虛時布衣謁公家言拙氣亦卑丈夫無所求守道寧食薇

其四

倦僕秣我馬駕言將驅馳戚戚感路人問我去何之答

云商山路幽谷多紫芝樂與素心人採掇療朝饑路人聽斯言揮淚持我歸舉手謝之去吾駕不可違

其五

翩翩雙白鶴久在樊籠中刷毛向朝日舉翅傷秋風雖蒙惠養恩自比雞鶩同歎息此珍禽默默傷余哀放之煙霞表飲啄詎見蹤

其六

秋月何皎皎素魄流虛堂攬衣步清影玉露生淒涼感

欽定四庫全書

鳴盛集
卷一

之獨徘徊驚波疾流光雖無景公淚惻惻還堪傷世路多榛棘人心競羊腸得酒且須傾毋令空鬢霜

其七

千金買駿骨寧與駑駘同乃知陶潛翁避俗甘固窮縱酒愛五柳折腰若為容葛巾漉春釀庭柯響青璫怡然日為樂自視村野農而我頗疎散失身塵網中翹首企高步遙遙安可從

感秋 十九首

撫劍中夜起氣候何淒清天高白露下北斗當前楹
嗽雙飛鴻隨陽亦宵征微禽爾何知寒暑櫻其情始知
玩物化中復念吾生三十志有立一經尚無成緬懷古
哲人信與大運并道在無終始時來暫衰榮感歎不能
寐延首東方明

其二

中夜有遐想假寐登崑崙飄飄列仙人授以漆書文
鳳振其羽三芝吐靈根大螭為我駕赤豹為我躡覺來

欽定四庫全書

鳴鶴集
卷一

三

戶牖虛明月當前軒服膺念古訓抱經究微言中道誠
可尚荒謬何足論

其三

大人秉乾德精誠應純剛在天麗星日在地為丘岡六
龍無停馭大化何茫茫喈喈玄圃鳳知時亦鳴陽伏鼠
忌靈曜飛蟲惡炎光陰類各自私至明庸何傷

其四

太古號無事其人如鹿麋塊然具中和焉用禮樂為三

皇不同軌五帝亦異治練絃與明水汲汲挽其瀉哇淫
起鄭衛綿蕞紛秦儀聳冒世耳目真朴無復遺大運暫
衰歇至理豈盈虧鴈行與魚躍誰用此道推所以橫渠
翁千古有餘悲

其五

姬轍既東馭羣雄踰其防夷氣熾六合陽精黯無光壯
哉東海君歟起垂衣裳霸圖雖熒熒王道終茫茫麟經
托南面筆削嚴秋霜至今千載下共戴君為綱

欽定四庫全書

鳴鶴集
卷一

四

其六

陽精自東生陰魄復西沒兩曜無停機萬古一起忽方
平笑麻姑綠鬢已成雪誰識青青松蟠根向溟渤

其七

秋氣悲萬物攬衣坐中庭仰視明月光俯聞候蟲鳴人
生會有涯歡樂當及時榮期但長歎墨子徒自悲驅馬
被紉綺雕盤割鮮肥酒酣論意氣中心貴相知終當委
運去得飲無復疑

其八

至人不凝物逍遙可延年貪者乃徇名冠蓋卧丘樊懷
璧讐匹夫深藏貴若淵邦家覆佞口仲尼欲無言始終
互相竭盈虧每旋沿默觀一元運至理猶張絃

其九

威鳳志八表鷲鳥思遠擊志士徇苦節秉心猶鐵石黔
穀恤齊饑餓者嗟輟食朝歌墨回車勝母曾不入悲哉
表旌日行矣申屠狄世無成子高疇能掩真跡

欽定四庫全書

鳴盛集
卷一

五

其十

君位曰大寶惟聖能矜持彼狂亂其經縱欲日淪迷夏
桀墜禹服商受傾湯基戲國向沉湎投身殞蛾眉禍福
共倚伏理亂亦相因下民尚有嚴皇天本無親姬文掩
枯骼四海咸稱臣

十一

季世尚遊俠使氣凌諸侯就死輕一芥含恩重山丘荆
卿觸秦怒漸離重燕憂小節若可尚大義非良籌嗟哉

黃金臺千古令人愁

十二

朝登北邙坂墟墓何纍纍懷哉泉下人惻然我心悲往
若不可復來者每如斯膏火煎萬族紛紛競刀錐生存
華屋居死與草木萎愚智同土壤英靈竟何知所賴賢
哲士千齡名不隳

十三

大塊覆羣迷疇能會其妙狂夫每如醉至人獨先覺草

欽定四庫全書

鳴盛集
卷一

六

木養氣體金石駐精魂多岐但驅車孰踵玄門漢武
志三島秦皇窮八垓焉知淡泊水可沃靈臺焚

十四

大化有培覆貧窮固其常奈何東鄰子索居多慨慷在
析無懸衣晨殮曠儲糧飢寒不自保妻子安得將投杖
出門去仰逐浮雲翔周流極四海組練歸故鄉寄語寰
中士空乏庸何傷

十五

四時互相竭兩曜無停軸夏炎方滿盈秋氣忽已肅空
闔有佳人十載常獨宿中心豈不貞處闇誰見燭願為
明月珠流光照君屋

十六

空谷有隱士服食常不周藿羹笑鐘鼎袒褐輕王侯樵
漁有時閒但與麋鹿遊持身豈不隘安命固無憂我願
見其人欲往道無由迷途諒未遠反策營吾丘

十七

欽定四庫全書
鳴盛集
卷一
聖人處憂患微言在明夷世人昧獨處悔吝相與期君
看文毛豹隱霧南山陸寄言狂馳子昌用此道推

十八

聖人立名教朋友居人倫異體相謀合惟德可為鄰何
如便佞子婉孌來相親昔為金與蘭中道若參辰投以
明月珠按劍反見嗔對面隔山岳欲達路無因數疏既
有戒昌言跡非真惟應管鮑交此道恒自信

十九

聖哲尚中道大哉美隨時出處雖殊途久速與運期莘
野方釋耒九五以為師西山去不返殷士寧食薇鴻鵠
橫九霄鷦鷯安一枝物類同如此子心何所疑

堯階

伊昔陶唐氏垂衣貴無為所存昏墊憂焉知宮室卑土
階一何陋荒蕪任茅茨雖云三尺崇足仞千載基陟降
趨四岳攝升朝百揆雍容揖讓間庶績皆成熙彼昏瓊
其臺惟狂瑤其池亂階一以啓顛躓良在茲吾聞大聖
人廣居宅八陟禮門既大闢義路亦載馳居處雖儉素
德業乃巍巍勗哉後來人可以為箴規

無諸釣龍臺懷古三首

無諸昔建國赤土䟽王封築臺青冥上垂釣滄江龍乘
龍去不返千載如飛蓬只今荒臺上寂歷多遺蹤我有
太古懷來吟江上峯天青海氣滅地古寒煙濃潭水綠
萬丈秋岑碧千重登臨未能已落日催孤鐘

其二

甌閩古夷服無諸漢英雄秦鹿既已死却辭隆準翁組
練照海色旌旗來故宮赫矣茅土業大哉開闢功事往
滄海變龍飛霸圖空昔日釣龍臺空餘江水中桂殿苔
色古空陵雲氣紅朝夕卷寒潮隱隱聞雷風登臨畢餘
景感歎無終窮

其三

無諸東海上有國在秦先一朝逐秦鹿戈甲相勾連高
才已得志論封亦徒然歸來築高臺投竿釣蜿蜒屠龍

欽定四庫全書

鳴盛集
卷一

九

雄按劍拂拭滄洲煙英雄風振海岳古月經蠻天昔人不
可見蹤跡復堪憐閒來弄秋水漁情藹清川雲高碧海
淨日落千山妍莞歌古臺上醉向酒家眠

西狩

顓頊開天地玄冥始司冬明堂敞八水井邑閒九農東
魯考王制西狩收歲功天仗列鉅野雲師掩象蒙鳴鐘
天地震列焰川原紅置張六合窄囊括九有空熊羆既
股栗豺虎無留蹤夫何玄枵精亦困鉏商弓五趾運坤

軸孤觸鳴蒼穹舉武中矩度流音若黃鐘虞人一驚告
尼父心已恫瑞物際顏運嗟哉吾道窮遺經告文成筆
削垂至公飛霜礪斧鉞白日開鴻濛感歎終絕筆千古
來悲風

塞下曲

交河冰是路天山雪作花舉頭猶漢月沒足已胡沙遠
戍連烽火嚴更起清笳將軍帳中卧萬馬夜不譁國恥
猶未雪壯士莫思家

欽定四庫全書

鳴盛集
卷一

十

其二

宛馬金作勒壯士鐵為衣橫行出塞門日落黃埃飛
匈奴倉卒至士卒被重圍戰餘平野中惟見空鞍歸家
白頭母猶自倚寒扉

為陳少府賦望雲

高臺臨廣遠上抗浮雲端遊子思親闈登之以遐觀親
闈不可見白雲阻河關顧茲好爵縻何當一承顏登山
山有岐涉水河有湍王事雖賢勞敢辭陟岵難青天何

茫茫大地亦盤盤歸袖欲奮飛願附鴻鵠翰

寄衣曲

漢月縫庭樹胡霜拂城樓邊人一夜寒深閨始知秋起
來理征衣纖手一何柔雙杵幾不勝寸心未能休梧葉
下浙浙草蛩鳴幽幽月明嗟慰意風急復含愁白露下
蘭心蘭心亦枯槁妾家有高臺下見漁陽道明發寄征
人三挹薜蘿草

題罔極堂卷

欽定四庫全書

陽成集
卷一

十一

孰謂江海廣江海亦有涓絜我父母恩浩蕩斯無涯依
依念終養惕惕常如飢鞠育信勞悴欲報將何為仰睇
孤鴻翔俯悼寒蛩悲豈無舟與車傍徨將何依高堂儼
陟降愴然方在茲感彼樹上烏朝出暮乃歸微物具至
情未遂反哺私我何抱深痛拊膺淚如絲哀哀九泉下
永以長酸嘶

謁昌黎先生祠兼呈王潮州

窮冬到南海驅馬韓山灣繁霜野水落鱣溪清且寒伊

昔潛修鱗白日飛風湍壯哉昌黎翁洪流靜而安伊余
謁遺廟兼以窮遐觀地古白雲滅潮來滄海寬夫子繼
芳躅而能障波瀾丈夫遇知己遲暮彈吾冠

哭迭漳州

九原何茫茫哭聲迴彼蒼含悲復含喜身死名不死夷
哉清漳途可駕睢陽軌永激後來人千秋作臣紀

春日首陽懷古

東風蕩霏霽旭日生岩巒清飈洒襟佩聊以窮躋攀遊

欽定四庫全書

陽成集
卷一

十二

目俯高墳歛然復悲酸清標香名立幽壤芳骨寒孤鶩
仰鸞鳳鳥雀易所殮濁流激清波洒然天地間古木翳
芳祠野蕨迷空山遲回竟將夕振策未能還

本一齋

元始但一氣厥狀含鴻濛卑高猶未陳至理已混融粵
從太極分玄白自汚隆天澤肇履象中正根民衷三皇
不沿轍五帝亦殊風萬殊雖支離一體當貫中天地乃
吾體清明元在躬寄言希顏徒勗哉克己功

驅車篇送張志道奉親樞歸清潭

驅車出東門我車已載脂况此苦寒月歌此陟岵悲夙
駕指晨星日入不遑棲道路豈不遙筋力亦云疲飛鳥
為我吟孤禽為我啼浮雲結為旆迴風亦凄其引領望
故山丘壘何累累感彼首丘志懷哉蓼莪詩

指佞草

元氣殊萬類惟人最通明夫何此靈草亦識讒諛情揚
揚吐奇芬母乃太微精孤根寧獨立不與凡卉并宵衣

欽定四庫全書

鳴盛集
卷一

三

朝百辟丹陛秋風生姦回既屏迹利口亦潛形周末徒
同穎漢芝空九莖雖能誇美瑞曷足資治平寄言持斧
者可與同令名

方節婦詩

北堂樹萱草我憂終不諼念彼結髮人溘與朝露先春
言在諸孤曷敢同下泉昔看俎豆嬉今見弱冠年慨賢
夏侯傳永歌柏舟篇懷哉古人心白首敢自憐

羅浮觀日圖

昔有學道者擔簦海上行宴坐羅浮峰內視觀無形晞

景正東豁滉漾扶桑明雲濤既洶涌龍獸亦悲鳴吾聞
混沌分坤軸東南傾百川走空虛日乃生窮溟未覩大
明運安知至陽精願從列仙徒散髮倚雲屏三花漱雲
液五內含晶熒回觀羅浮圖陋哉山海經

心逸齋

二五妙凝合清明在吾軀惟心萬物靈湛然抱中虛知
誘由外感逐物情乃超以茲巧偽萌營營實勤劬若人

欽定四庫全書

鳴盛集
卷一

十四

志前修作意惟聖謨百體既順正天君日安舒靜處守
仁宅紆行由義途希顏古有訓勗哉逢掖徒

海上讀書

浮雲薄海色萬里如秋空青蒼杳無際島嶼蟠蛟龍上
有讀書者結茅誰與同朝餐海上霞夕友滄江翁乘桴
嗟尼父把釣思任公猶慕魯連子不受却秦功千金若
土壤清名弔高風愧予老儒術白首且相從

贈昇玄子

希夷本無象廣漠難具論孰知玄子名強曰衆妙門至
人守無為目擊道乃存精神應龍健變化迎鵬搏四氣
歸素籥三花洞天根逍遙大塊中豈在登崑崙

飲酒

儒生好奇古出口談唐虞倘生義皇前所談乃何如古
人既已死古道存遺書一語不能踐萬卷徒空虛我願
但飲酒不復知其餘君看醉鄉人乃在天地初

甘露甕

欽定四庫全書

鳴鶴集
卷一

五

汗鑊已寥聞土鼓久不鳴大鈞吹洪爐厥器陶甄成厥
器彼伊何儲彼天地精庶徵順時若至和妙勻凝醇醴
結五色晶液若瓊英天既不愛道人胡惜其情所以大
聖君篤恭天下平

題唐亨仲三友圖

賦質異根本秉心同歲寒翛然山林資陋彼桃李顏雅
操類三益賞心齊二難寄言端居者冰雪宜相看

金雞岩僧室

遠公青蓮宇百尺構雲闕一徑入松蘿山泉濯苔髮石
房彈玉琴清響在林樾夜來滄海寒夢遶波上月微吟
白雲篇高興了未輟未能悟聲聞安得離言說

遊芙蓉峯

密竹不知路渡溪微有蹤懸知石上約定向松間逢物
候變黃鳥菖蒲花蒙茸相望不可即裊裊霜天鐘

秋江獨釣圖

清飈晚溜溜白水明濯濯投竿坐盤石風葉衣上落吾
心與天遊寧知取魚樂

欽定四庫全書

鳴鶴集
卷一

六

為朱氏賦石潭軒

飛軒瞰古潭潭色杳深翠靜淵如有容混混百源會秋
臨天影寒夜漱月華碎吾心若虛空何物為蓬累

同周秀才玄與東白明遠二上人期宿芝山不
至

屢居厭紛擾恒思宿陰岑夙期道門友共茲清夜吟彈
冠起新沐微風披素襟行行止空門夕景條已沉不見

雲中僧虛堂閉煙林應物本無住焉知來去心良會既已睽中情一何深詠歸值新月聊復鳴吾琴

題遊魚圖

深水荻芽短淺水荇葉稠逐隊聚還散戲波沉復浮東鄰已結網西家潛下釣江湖可相忘予心何所求

泛舟西江

積水可利涉方舟况同乘悠然西江上遂望雲中僧出浦見落日前崖陰始凝秋風忽颯沓海雨隨奔騰稍移流沙河又見夕影澄擁棹向危壁推篷見古藤枕藉信水宿躋攀候晨興茲遊意多愜况也多良朋

題醉道士

黃冠何羽人恍是全椒客一壺常兀兀以飲混其迹歸來秋山空卧向松下石誰知郡齋人含情正相憶

經東山別墅

別墅在東山經過感疇昔縱橫醉時墨猶在池上石林氣颯以涼山容淡將夕緬懷携手人念念不能釋

寄丘令

海國民俗古清朝民物閒况茲得良牧理人絃誦間吏散日已夕雲歸鳥隨還高齋蔭嘉樹橫琴對遠山伊余安塞劣歸休謝朝班出處雖異途雲林近怡顏茲焉仰高風望望心所攀

送湖南歸粵

志士本激烈况當離別情直氣不得發逢秋吐商聲浮雲蔽長空驅馬去孤城廣川無輿梁一葦詎能橫將尋故山隱自芟荒草耕蠹書束高閣龍劍日夜鳴行路由正途能使山岳平端居息機心卧聞螻蟻爭知君重交結臨分吐平生

寄袁憲史

金風動林木朱炎謝餘暉新涼起羸疾振我塵中衣貧居滿衰草鳥雀遠庭飛閒心本無營看山忘渴飢念茲素心人于今宦情微粵鄉初搖落滄江鱸正肥晤言一携手共息胸中機

斬蛇劍

秦氛熾天地大澤蟠蛇蜒潛龍厄初九鹿迹方茫然千
里送徒人三盃拂龍泉紫劍混赤精紅光吐青蓮壯哉
三尺鋒可以摧金天粉首明月中飲血秋風前素靈何
嗷嗷老淚翻蛟涎芒碭起風雲咸陽若浮煙揮洒六合
清提挈神氣完始知百鍊鋼永與金刀堅

赤壁

曹瞞竊漢統東面朝諸侯鼎足猶未分屯蒙迷九州桓
欽定四庫全書

鳴鶴集

卷一

桓長沙裔歆起揮戈矛兩雄不並立固知寧相謀朔風
吹旌旆飛霜肅曉飈飲馬涸天塹投鞭填山丘建業既
震蕩羽檄如星流衆議徒瑣瑣獨斷誠嘉猷振劍辟玉
几揚旗建車舟周郎拂白羽談笑有良籌馮夷鼓駭浪
天吳扇雄颶烈焰蕩萬壘飛灰喪千艘論功何顯赫返
駕誠色羞再光東都業一洗瘡痍往事既漫滅山川
尚綢繆昔聞龍虎爭今見麋鹿游峭壁絳海月洪濤漲
清秋訪古弔陳迹開樽發冥搜醉來卧煙靄天地如蟬

游

題草澤遺書

買斧入城市伐木歸中林
中林多樛木實勞匠者心
林深聞無人清風聞嘯音
雲濤既浩蕩龍虎亦悲吟
筋力既不惜但恐白日沉
願言秘大樸俯首從哇淫

酒醒

酒熱中夜起散髮微風前
煩襟忽冲散高咏蒼涼天
湛池和露藉虛庭留月眠
寧知明日事聊復一欣然

欽定四庫全書

鳴鶴集

卷一

曉登金雞山呈王六博士

劍客無所懼登高眺清曙
於時值搖落况乃閒遊阻
闕河一千里飛鴈杳難度
積水明秋空蒼山落寒楚
荒涼誰問俗慷慨即懷古
長嘯歸去來餘意在蘭杜

送尚抱灌往閩南采詩

予生草澤間鼓腹歌唐虞
奈何際板蕩奮劍當前驅
千金酬壯士白璧買良姝
故浪襄馬門嗜酒縱樗蒲
市朝既變更郎曲歸里閭
三十始讀書謬為章句儒
閑門謝